

Çheûri tieutchi po lai fête des mères !

Manman, mon Dûe qu' vote tiûere ât grant ! È fie bîn foûe po tos vos dgens qu' èl en rébie d' baître po vôs. Ch' vôs piaît, prâtêtes-me adjd'heû, ïn tot p'tét câre de vote tiûere, ran qu' le toé. Nian p' le moitan, ç'tu-li, ç' at po vôs afaints, po vote hanne, po vôs.

Po vôs, fannes que s'rèz bîntôt mères, que sentes s' enraïç'naie en vôs ïn p'tét bout d' hanne, voici di tèrrêtre, sîmpye piainte que meûrât ch' èlle se n' peut aigrîmpaie.

En vôs, fannes que mit'naint seûffies sains ran dire en bèyaint l' djoué en vote afaint, i eûffre ïn tot çheûri botnie. Ses çhoés sont che belles qu' an n' voit p' les épeïnes de l' aîbrâ qu' les poétche.

Po vôs djûenes mammans, voici di migat qu' les cieutchattes sont che biaintches qu' l' aîme de l' aiyeutchon qu' vôs preussies ch'vote tiûere, qu' vôs neûrrâtes, qu' vôs tieuvietes de dous baijats.

En vôs, mères, qu' ôtes des cris d' détrâsse que v'niant di bré, i aippoétche des prevenches. Tiaïnd qu' vôs se r'yev'rèz dains lai neût, tiaïnd vôs s' çhainn'rèz chus l' bré, vote afaint vôs sôriré c'ment qu' les bieûves p'têtes çhoés.

I ainm'rôs piaintaie ïn p'tét premye dains vote tiûere, en vôs, mères que prentes vôte afaint chus vôs dg'nonyes. Ses raims tchaint'raint dous és arayes de ci p'tét, en réton des bréçouses obîn des premies mots qu' vôs y' aippârez en patois !

Po vôs mères, que cheûtes tot coérbes vote af'nat po y' aippâre è mairtchi, voici di tieûdre. Vôs s' poèrèz aippûere chus sai braintche bin voidge è bîn drête, di temps qu' l' afaint se r'drass'ré soîe po en tieuyie les tchaitons..

Ces mairdyeurittes sont po vôs, mères qu' les afaints vaint bîn è vôs faint piaïji. Vôs varèz dains yôs çhoés grant eûvies â soraye, tote l' ïnmaîdge d' vote djoûe.

Po vôs mères qu' les afaints sont malaites, ne vaint p' bîn, voici ïn sâcie. Daivô lu, vôs n' s'rèz p' tot d' pai vôs po pûeraie. Lai brije dains ses pûeraines braintches satchrè vôs laîgres, pe vôs éd'ré è rébiaie vote tieûsain.

Ci « n' me rébie p' » ât po vôs mères qu' les djûenes païchant d' l' hôta. Vôs saites, ç' ât lai vie ! Vote fé, vote baîchatte ôraint aidé, i en seus chur, l' aipeul de l' hierbe d' aimoé.

Vôs mères qu' êtes mit'naint grant-mères, réres grant-mères, léchietes-me vengnie ïn pô d' trînnatte pieinne de çhoés. Vôs doïgts d' fêe sairaint bîn en mairiaie les flès, che bîn les aïsoûetchi en tchâssons, en dgéplés, po vôs p'téts l' afaints.

Chutôt, n' rébietes pe d' ennâvaie ïn pô ces quéques piaintes de nôs tchaimps, de nôs bôs, de nôs bairres. Mèchi, è pe boinne fête des mères.

Çheûri tieutchi po lai fête des mères !

Manman, mon Dûe qu' vote tiûere ât grant ! È fie bîn foûe po tos vos dgens qu' èl en rébie d' baître po vòs. Ch' vòs piaît, prâtêtes-me adjd'heû, ìn tot p'tét càre de vote tiûere, ran qu' le toé. Nian p' le moitan, ç'tu-li, ç' at po vòs afaints, po vote hanne. Po vòs, fannes que s'rèz bîntôt mères, que sentes s' enraïç'naie en vòs ìn p'tét bout d' hanne, voici di tèrrétre, sîmpye piainte que meûrât ch' èlle se n' peut p' aigrîmpaie. En vòs, fannes que mit'naint seûffies sains ran dire en bèyaint l' djoué en vote afaint, i eûffre ìn tot çheûri botnie. Ses çhoés sont che bèlles qu' an n' voit p' les épeïnes de l' aîbrâ qu' les poétche. Po vòs djûenes mammans, voici di migat qu' les cieutchattes sont che biaintches qu' l' aîme de l' aiyeutchon qu' vòs preussies ch' vote tiûere, qu' vòs neûrrâtes, qu' vòs tieuvietes de dous baijats. En vòs, mères, qu' ôtes des cris d' détrâsse que v'niant di bré, i aippoétche des prevenches. Tiaind qu' vòs se r'yev'rèz dains lai neût, tiaind vòs s' çhainn'rèz chus l' bré, vote afaint vòs sôriré c'ment qu' les bieûves p'têtes çhoés. I ainm'ròs piainciaie ìn p'tét trembye dains vote tiûere, en vòs, mères que prentes vôte afaint chus vòs dg'nonyes. Ses raims tchaint'raint dous és arayes de ci p'tét, en réton des brécouses obîn des premies mots qu' vòs y' aippârez en patois ! Po vòs mères, que cheûtes tot coérbe vote af'nat po y' aippâre è mairtchi, voici di tieûdre. Vòs s' poérèz aippûere chus sai braintche bin voidge è bîn drète, di temps qu' l' afaint se r'drass'ré soîe po en tieuyie les tchaitons. Ces mairdyeurittes sont po vòs, mères qu' les afaints vaint bîn è vòs faint piaîji. Vòs varèz dains yòs çhoés grant eûvies â soraye, tote l' ìnmaîdge d' vote djoûe. Po vòs mères qu' les afaints sont malaites, ne vaint p' bîn, voici ìn sâcie. Daivô lu, vòs n' s'rèz p' tot d' pai vòs po pûeraie. Lai brije dains ses pûerainnes braintches satchrè vòs laîgres, pe vòs éd'ré è rébiaie vote tieûsain. Ci « n' me rébie p' » ât po vòs mères qu' les djûenes païchant d' l' hôtâ. Vòs saites, ç' ât lai vie ! Vote fé, vote baîchatte ôraint aidé, i en seus chur, l' aippeul de l' hierbe d' aimoé. Vòs mères qu' êtes mit'naint grant-mères, réres grant-mères, léchietes-me vengnie ìn pô d' trînnatte pieinne de çhoés. Vòs doigts d' fèe sairaint bîn en mairiaie les flès, che bîn les aissoûetchi en tchâssons, en dgéplés, po vòs p'tés l' afaints. Chutôt, n' rébietes pe d' ennâvaie ìn pô ces quèques piaintes de nôs tchaimps, de nôs bôs, de nôs bairres. Mèchi, è pe boinne fête des mères.